

Communicaziun da medias nr. 01-2020

Surses: Gleich verda per la planisaziun digls implants novs da sport a La Nars, Savognin

Igls 16 da schaner 2020 ò la regenza digl cantun Grischun approvo la revisiun parziala dalla planisaziun locala digl areal La Nars a Savognin. Uscheia è dada la basa legala per la realisaziun digls implants novs da sport a La Nars.

Igl cumegn da Surses ò plascheir da chella decisiun dalla regenza. Igl project per igls novs implants da sport a La Nars a Savognin vign sviluppo cun totta forza. Cun igl sustign d'en biro da planisaziun spezialiso sen plazzas da sport vign igl cumegn ad analisar detagledamaintg differentas variantas. La realisaziun dalla piazza da glatsch sen la proxima staschung d'anviern 2020/21 è ambiziosa cuncheigl tgi ins ò survagnia pir ossa la decisiun dalla regenza. Ella vign pero persequitada venavant. Igl project elaboro vign sottamess a taimp alla radunanza communal per approvaziun.

Ameis digl sport da glatsch pon gio chest anviern profitar da bunas cundiziuns sen la piazza da glatsch e da curling a La Nars. La purscheida provisorica sveglia grond interess tar indigens e giasts e dat experientschas impurtantas per la construcziun optimala digls implants da sport a La Nars.

Ulteriours sclarimaints dat igl mastral Leo Thomann (telefonign 079 405 96 73)

Tinizong, igls 17 da schaner 2020